

60

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

60
+
=


3

~~W 6626 7 40~~

~~Ch L 9299.1142~~

~~Ch L 9901.114~~

79299/114



三才圖會

草木五卷 草類

雲間允明父王思義續集

哈佛大學哈佛藥宗
圖書館珍藏印

劉寄奴

骨碎補

連翹

續隨子

山豆根

藺茹

金星草

葎草

鶴虱

蜜休

赤地利

紫葛

陸英

穀精草

預知子

葫蘆巴

木賊

蒲公草

牛扁

酢漿草

夏枯草

苧實

地錦草

海金沙

水英

麗春草

坐努草

紫堇

杏葉草

水甘草

地柏

紫背龍牙

倒甌

佛甲草

百乳草

撮石合草

石莧

百兩金

小青

曲節草

劉

寄

奴



三子圖

劉寄奴

劉寄奴草生江南今河中府孟州漢中亦有之春生苗莖似艾蒿上有四稜高二三尺已來葉青似柳四月開碎小黃白花形如瓦松七月結實似黍而細一莖上有數穗互生根淡紫兔似蒿芑六月七月採苗花子通用味苦溫主破血下脹

火瘡至妙


骨碎補



骨碎補

骨碎補生江南淮浙陝西夔路州郡亦有之根生大木或石上多在背陰處引根成條上有黃毛及短葉附之又有大葉成枝面青綠色青黃點背青白色有赤紫點春生葉至冬乾黃無花實惟根入藥採無時削去毛用之本名胡孫薑唐明皇以其主折傷有奇効故作此名一名石菴蘭味苦溫無毒主破血止血補傷折治虛氣攻牙齒痛血出牙斷痒痛

連翹



連翹生泰山谷河中江寧府澤潤淄交四岳利州南康等
 皆有之有大翹小翹二種生下濕地或山崗上葉青苗而
 狹長如榆葉莖赤色高二四尺許花黃可愛秋結實似蓮
 作房翹出衆草以此得名根黃如蒿根八月採房陰乾其
 小翹生崗原之上葉花實皆似大翹而細亦名旱連草今
 南方醫家說云連翹蓋有兩種一種似椿實之未開者殼
 小堅而外完無跗萼剖之則中鮮氣甚芬馥一種乃如齒
 莖殼柔外有跗萼抱之無紋脉亦無香氣一名異翹一名
 蘭莘一名折根

一名軼一名三煎味苦平無毒主寒熱鼠
 瘦瘰癧癰腫惡瘡瘦瘤結熱蠱毒去白蟲


續 隨 子



續隨子

續隨子生蜀郡及處處有之苗如火戟初生一莖莖端生
 葉葉中復出數莖相續花亦類大戟自葉中抽斡而生實
 青有殼人家園亭中多種以為飾秋種冬長春秀夏實故
 又名拒冬實一名千金子味辛温有毒主婦人血結月閉
 癥瘕痞癰瘀血蠱毒鬼疰心腹痛冷氣脹滿利大小腸除
 痰飲積聚下惡滯物莖中白汁去黥黥

山豆根




山豆根

山豆根生劔南山谷今廣西亦有之以忠萬州者佳苗蔓如豆根以此為名葉青經冬不凋八月採根用廣南者如小槐高尺餘味甘寒無毒主解諸藥毒止痛消瘡腫毒人及馬惡黃發熱咳嗽殺小蟲

藺

茹



藺茹

藺茹生代郡州谷今河陽淄齊州亦有之二月生苗葉似
 大戟而花黃色根如蘿蔔皮赤黃肉白初斷時汁出凝黑
 如漆三月開淺紅花亦淡黃色不著子陶隱居謂出高麗
 者此近之四月五月採根陰乾漆頭者良又有一種草藺
 茹色白採者燒鐵爍頭令黑以當漆頭非真也一名屈据
 一名離萎味辛酸微寒有小毒主蝕惡肉敗瘡死肌殺疥
 蟲排膿惡血除大風熱氣善忘不樂去熱痺破癥瘕除息

肉

金 星 草




金星草

金星草生關陝川蜀及潭婺諸州皆有之又名金釧草味苦性寒無毒葉青多生背陰石上淨處或竹菁中少日色處或生大木下及背陰多年瓦屋上初出深綠色葉長一二尺至深冬背上生黃星點子兩兩相對色如金因以為名無花實陵冬葉不凋其根盤屈如竹根而細折之有筋如猪髮五月和根採之風乾三癰疽瘡毒大解硫黃及丹石毒發背癰腫結核用葉和根酒煎服之

律

草




葎草

葎草舊不著所出州土云生故墟道傍今處處有之葉如
蓖麻而小薄蔓生有細刺花黃白子亦類麻子四月五月
採莖葉暴乾用俗名葛葎蔓又名葛勒蔓味甘苦寒無毒
主五淋利小便止大痢除瘡虛熱渴煮汁及生汁服之

鶴

虱



鶴虱

鶴虱生西戎江淮衡湘間皆有之春生苗葉皺似紫蘇大而尖長不光莖高二尺許七月生黃白花似菊八月結實子極尖細乾即黃黑色採無時南人呼其葉爲火枚味苦平有小毒主疝瘕用之爲散以肥肉臠汁服心痛以淡醋和半七服

蚤

休



蚤休

蚤休即紫河車也俗呼重樓金線生山陽川谷及宛句河
中河陽華鳳文州及江淮間亦有之苗葉似王孫鬼臼等
作二三層六月開黃紫花葉赤黃色上有金絲垂下秋結
紅子根似肥薑皮赤肉白四月五月採根日乾用味苦微
寒有毒主驚癇搖頭弄舌熱氣在中癩疾癰瘡陰蝕下三
蟲去蛇毒

赤地利




赤地利

赤地利舊不載所出州土云所在山谷有之今惟出華山
春夏生苗作蔓繞草木上莖赤葉青似蕎麥七月開白
花亦如蕎麥根若菝葜皮黑肉黃亦八月內採根晒乾用
亦名山蕎麥味苦平無毒主赤白冷熱諸痢斷血破血帶
下赤白生肌肉

紫

葛



紫葛

紫葛舊不載所出州土云生山谷今惟江寧府台州有之
春生冬枯似蒲萄而紫色長丈許大者徑二三寸葉似蓂
蕒根皮俱紫色三月四月採根皮日乾味甘苦寒無毒主
癰瘡取根皮搗爲末醋和封之

陸

英



陸英

陸英生熊耳川谷又云名蒴藿不載所出州土今所在有
 之春抽苗莖有節節間生枝葉大似水芹及接骨春夏採
 葉秋冬採根莖或云陸英也蘇公云藥對及古方無蒴藿
 惟言陸英明非別物今注以性味不同疑非一種味苦無
 毒主骨間諸痺四肢拘攣疼酸膝寒痛陰痿短氣不足脚
 腫

穀 精 草



三才圖會卷之草部五

十四

穀精草

穀精草舊不載所出州土今處處有之春生於穀田中葉
筭俱青根花並白色二月三月內採花用一名戴星草以
其葉細花白而小圓似星故以名爾又有一種莖梗差長
有節根微赤出秦隴間味辛溫無毒主療喉痺齒風痛偏
正頭痛及諸瘡疥飼馬主蟲顙毛焦等病


預 知 子



預知子

預知子舊不載所出州土今淮蜀漢黔壁諸州有之作蔓
生依大水上葉綠有三角面深背淺七月八月有實作房
初生青熟深紅色每房有子五七枚如皂莢子亦褐色光
潤如飛蛾味苦寒無毒殺蟲療蠱治諸毒


胡 蘆 巴



葫蘆巴

葫蘆巴生廣州或云種出海南諸番蓋其國蘆葍子也舶客將種蒔於嶺外亦生然不及番中來者真春生苗夏結子作莢至秋採之主元臟虛冷氣得附子硫黃治腎虛冷腹脅脹滿面色青黑得穰香子梔仁治膀胱氣甚効

水賊



本草綱目卷之五

木賊生秦隴同華間味微苦無毒主明目療風止痢所生山谷近水地有之獨莖苗如箭竹無葉長一二尺青色經冬不枯寸寸有節採無時味甘微苦無毒主目疾退翳膜又消積塊益肝瞻明目療腸風止痢及婦人月水不斷得牛角鯁麝香治休息痢歷久不差得禹餘糧當歸芎藭療崩中赤白得槐鶯桑耳腸風下血服之効又與槐子枳實相宜主痔疾出血

蒲公草



蒲公草

蒲公草舊不著所出州土今處處平澤田園中皆有之春
初生苗葉如苦苣有細刺中心抽一莖莖端出二花色黃
如金錢斷其莖有白汁出人亦噉之俗呼爲蒲英一名搆
耨草其平無毒主婦人乳癰腫水煮汁飲之及封之立消

牛

扁




牛扁

牛扁出桂陽川谷今潞州寧州亦有之葉似三董石隴芮
等根如秦艽而細多生平澤下濕地二月八月採以日乾
一名^扁特味苦微寒無毒主身皮瘡熱氣可浴作湯殺牛虱小
蟲又療牛病

酢

漿


草



酢漿草

酢漿草俗呼為酸漿舊不載所出州土云生道傍今南中
 下濕地及人家園圃中多有之北地亦或有生者葉如水
 萍叢生莖端有三葉葉間生細黃花實黑夏月採葉用粉
 生嫩時小兒多食之南人用指鎗石器令白如銀味酸寒
 無毒主惡瘡癩癭搗傳之殺諸小蟲又治頭風

夏 枯 草



三才圖會卷之五

地

夏枯草

夏枯草生蜀郡川谷今河東滄州郡亦有之冬至後生
葉似旋復三月四月開花作穗紫白色似丹參花結子亦
作穗至五月枯四月採一名夕句一名乃東味苦辛寒無
毒主寒熱瘰癧鼠瘻頭瘡破癥散癭結氣脚腫濕痺輕身

苧


實



苧實

苧實舊不載所出州土今處處有之北人種以績布及打
 繩索苗高四五尺或六七尺葉似苧而薄花黃實帶殼如
 蜀葵中子黑色九月十月採實陰乾用古方亦用根味苦
 平無毒主赤白冷熱痢破癰腫


地錦草



地錦草

地錦草生滁州及近道田野中味辛無毒主通流血脈亦
治氣其苗葉細弱作蔓遍地莖赤葉青赤中夏茂盛八月
開紅花細實今醫家取苗子用之

海金沙




海金沙

海金沙生黔中山谷湖南亦有初生作小株高一二尺七月採得日中暴令乾以紙襯擊取其沙落紙上旋暴旋擊沙盡乃止主通利小腸得梔子馬牙消蓬沙共療傷寒熱狂

水


英



水英

水英味苦性寒無毒元生永陽池澤及河海邊臨汝人呼
 爲牛蒡草河北信都人名水節河內及內黃呼爲水棘飭
 南遂寧等郡名龍移草蜀郡人採其花合面藥淮南諸郡
 名海荏嶺南土地尤宜莖葉肥大名海精木亦名魚津草
 所在皆有單服之療膝痛

飛春草



麗春草

麗春草味甘微溫無毒出檀岵山川谷河南淮陽郡潁川
及譙郡汝南郡等並呼爲龍羊草河北近山鄴郡汲郡名
表蘭艾上黨紫團山亦有名定參草亦名仙女蒿今所在
有之三療黃疸因時患傷熱變成癰黃者

坐 孛 草



三才圖會卷之五


十一

坐努草

坐努草生江西及滁州六月開紫花結實採其苗爲藥治打撲所傷兼壯筋骨治風痺

紫

董




三才圖會卷之三十一草木五

廿七

紫葍

紫葍味酸微温無毒元生江南吳興郡淮南名楚葵宜春
郡名蜀葍豫章郡名苔菜晉陵郡名水蓴菜惟出江淮南
單服之療大小人脫肛


杏葉草



杏葉草

杏葉草生常州味酸無毒主腸痔下血久不差者一名金
 草蔓生籬下葉葉相對秋後有子如雞豆實其中變生一
 小蟲子脫而能行中夏採花用

水 耳 草



水甘草

水甘草生筠州味甘無毒治小兒風熱丹毒瘡與甘草同煎飲服春生苗莖青色葉如楊柳多生水際無花十月八月採彼土人多單服不入衆藥

地

柏




地柏

地柏生蜀中山谷河中府亦有之根黃狀如絲莖細上有黃點子無花葉三月生長四五寸許四月採暴乾用主臟毒下血神速



紫背龍牙




本草綱目卷之五十五

十一

紫背龍牙

紫背龍牙生蜀中味辛甘無毒彼土山野人云解一切蛇毒甚妙兼治咽喉中痛含嚙之効

攀倒甌



攀倒甌

攀倒甌生宜州郊野味苦性寒主解利風壅熱盛煩渴在
燥春夏採葉研搗冷水浸絞汁服之甚效其莖葉如薄荷
一名致骨草一名班秋莖

佛甲草



佛甲草

佛甲草生筠州味其寒微毒爛研如膏以貼湯火瘡毒多
附石向陽而生有似馬齒莧細小而長有花黃色不結實
四季皆有採無時


百乳草



百乳草

百乳草生河中府秦州劔州根黃白色形如瓦松莖葉俱青有如松葉無花三月生苗四月長及五六寸許四時採其根晒乾用下乳亦通順血脉調氣甚佳亦謂之百藥草

撮石合草




三十圖會卷之草木五

撮石合草

撮石合草生眉州平田中苗莖高二尺以來葉似穀葉十
二月萌芽生苗二月有花不結實其苗味甘無毒二月採
之彼土人用療金瘡甚佳

石


莧



石莧

石莧生筠州多附河岸沙石上生味辛苦有小毒春生苗
葉莖青高一尺已來葉如水柳而短八月九月採

百兩金




百兩金

百兩金生戎州雲安及河中府味苦性平無毒葉似荔枝
初生背面俱青結花實後背紫面青苗高二三尺有幹如
木凌冬不凋初秋開花青碧色結實如豆大生青熟赤根
入藥採無時用之搥去心治壅熱咽喉腫痛含一寸許嚥
津河中出者根赤色如蔓青莖細青色四月間開黃花似
星宿花五月採根長及一寸晒乾用治風痰

小

青




本草綱目卷之五

五

小青

小青生福州三月生花當月採葉彼土人生擣碎治癰瘡甚效

曲節草



曲節草

曲節草生筠州味甘平無毒治發背瘡消癰腫拔毒四月生苗莖方色青有節七月八月著花似薄荷結子無用葉似劉寄奴而青軟一名蛇藍一名綠豆青一名六月冷五月六月採莖葉陰乾與甘草作末未汁調服

三才圖會

草木六卷 草類

雲間允明父王思義續集

獨脚仙

露肋草

紅茂草

見腫消

半天回

龍牙草

苦芥子

野蘭

都管草

小兒群

菩薩草

仙人掌

紫背金盤

石逍遙

胡荽草

無心草

千里光

九牛草

刺虎

生瓜菜

建水草

紫袍

老鷓眼睛

天花粉

石垂

瓊田草

紫金牛

鷄項草

拳參

根子

赤孫

田母草

鐵線

天壽根

百藥祖

黃燎郎

催風使

陰地厥

千里急

地芙蓉

獨

脚

仙



獨脚仙

獨脚仙生福州山林傍陰泉處多有之春生苗至秋冬而
葉落其葉圓上青下紫其脚四五寸夏採根葉連梗焙乾
為末治婦人

露筋草



本草綱目卷之六

露筋草

露筋草生施州株高三尺已來春生苗隨即開花結子四
時不凋其子碧綠色味辛澁性涼無毒不拘時採其根洗
淨焙乾爲末用白礬水調貼蜘蛛并蜈蚣咬傷瘡


紅 茂 草



紅茂草

紅茂草生施州又各地沒藥又名長生草四季枝葉繁盛
故有長生之名大涼味苦春採根葉焙乾為末冷水調貼
癰疽瘡腫

見腫消



三才圖會卷之五十一


五

見腫消

見腫消生筠州味酸澁有微毒春生苗葉莖紫色高一二尺葉似桑而光面青紫赤色採無時土人多以苗葉搗爛

疔瘡


半 天 回



半天回

半天回生施州春生苗高二尺已來赤班色至冬苗葉皆
枯其根味苦澁性溫無毒土人夏月採之與雞翁藤野蘭
根崖櫻等四味爲末療婦人血氣并五勞七傷

龍牙草



龍牙草

龍牙草生施州株高二尺已來春夏有苗葉至秋冬而枯
其根味辛澁溫無毒春夏採之洗淨揀擇去蘆頭焙乾為
末治赤白痢

苦芥子




苦芥子

苦芥子生秦州苗高一尺已來枝莖青色葉如柳開白花
似榆莢其子黑色味苦大寒無毒明眼目治血風煩躁

野

蘭


根



野蘭根

野蘭根出施州叢生高二尺已來四時有葉無花其根味
微苦性溫無毒療婦人血氣五勞七傷


都管草



都管草

都管草生施州及宜州田野味苦辣性寒主風癰腫毒赤
疝亦治咽喉腫痛其根似羌活頭歲長一節高二尺許葉
似土當歸有重臺生二月八月採根陰乾施州生者作蔓
又名香毬蔓長丈餘赤色秋結紅實四時皆有


小兒群



小兒群

小兒群生施州叢生高一尺已來春夏生苗葉無花至冬而枯其根味辛性涼無毒療淋疾


菩 薩 草



菩薩草

菩薩草生江浙州郡近京亦有之味苦無毒亦名尺二三
婦人妊娠咳嗽又治諸蟲蛇傷飲其汁及研傅之良

仙 人 掌 草



本草綱目卷之六十一

七

仙人掌草

仙人掌草生合州筠州味微苦而澁無毒多於石壁上生
如人掌故以名之葉細而長春生至冬猶青無時採與茸
草浸酒服治腸痔瀉血

紫背金盤



紫背金盤

紫背金盤草生施州苗高一尺已來葉背紫無花根味辛
澁性熱無毒採無時能消胎氣孕婦不可服


石 道 遙



石逍遙

石逍遙草生常州味苦微寒無毒療癱瘓諸風手足不遂
其草冬夏常有無花實生亦不多採無時

胡 董 草



胡董草

胡董草生蜜州東武山田中味辛滑無毒枝葉似小董菜
花紫色似翹軺花一枝七葉花出三兩莖主五臟榮衛肌
肉皮膚中瘀血止疼痛散血絞汁塗金瘡春采苗依時搗
篩與松枝乳香花桑柴炭亂髮灰同熬爲丸熱酒摩服療
打撲損筋骨折傷及惡癰癰腫

無

心


草



無心草

無心草生商州及秦州性溫無毒三月開花五月結實六月七月採根苗陰乾用之主積血逐氣塊益筋節補虛損潤顏色療澀洩腹痛


千里光



千里光


千里光生筠州淺山及路傍味苦甘寒無毒葉似菊葉而長枝幹圓而青背有毛春生苗秋生莖葉有花黃色不結實花無用

九牛草




九牛草

九牛草生筠州山岡上味微苦有小毒解風勞治身體痛
 二月生苗獨莖高一尺葉似艾葉圓而畏背有白毛面青
 五月採之




刺虎



刺虎

刺虎生睦州味甘無葉凌冬不凋採無時根葉枝幹細剉
焙乾爲末酒服理一切腫痛風痰


雙勾蘭



生瓜菜




建蘭



生瓜菜


生瓜菜生資州平田陰畦間味甘微寒無毒苗長三四寸
作叢生葉青圓似白莧菜春生莖葉夏開紫白花結黑細
實其味作生瓜氣故以為名治走疰攻頭面四肢及陽毒
傷寒壯熱頭痛心神煩躁利胸膈

建水草



建水草

建水草生福州其枝葉似桑四時常有土人取其葉焙乾碾末酒服治走疰風




袍

紫

紫袍

紫袍生信州春生發葉如苦益菜至五月生花如金錢紫
色彼方用治咽喉口齒


老 鷓 眼 睛



老鷓眼睛

老鷓眼睛草生在江湖間味甘性溫無毒七月採子葉如
茄子葉亦名天茄子或云即漆姑草也治風補益男子元
氣婦人敗血其葉入醋細研治小兒火焰丹消赤腫其根
利小便

天 花 粉



天花粉

天花粉生明州味苦寒無毒十一月十二月採根用主消渴身熱煩滿大熱補氣安神續絕傷除腸中固熱久疸身面黃唇乾口燥短氣通月米止小便利

石

垂



石垂

石垂生福州山中三月有花四五月採子焙乾用其根即石
蒜文具水麻條下彼人用治蠱毒甚佳

瓊

田

草



瓊田草

瓊田草生福州春生苗葉無花三月採根葉焙乾用彼土人用治風

紫 金 牛



紫金牛

紫金牛生福州味辛葉如茶上綠下紫實圓紅如丹朱根微紫色八月採去心暴乾頗似巴戟主

隔氣去風

鷄

項


草



鷄項草

鷄項草生福州葉如紅花葉上有刺青色亦名千針草根似小蘿蔔枝條直上三四月苗上生紫花八月葉凋十月採根洗焙乾碾羅爲散照治下血

杏參




三才圖會卷之六
三
拳參 否參

拳參生淄州田野葉如羊蹄根似海鮫黑色五月採杏參
生淄州田野根似小菜根五月內採苗葉主腹臟風壅上
氣咳

根

子




根子

根子生威州山中味苦辛溫採無時其苗葉花實並不入藥用其根主心中結塊久積氣攻臍下

亦

孫



赤孫

赤孫施生福州葉如浮萍四時常有採無時治婦人血結不通

田 毋 草



三才圖會卷之五十六

廿三

田母草

田母草生臨江府性涼無花實二月採根用主煩熱及小兒風熱甚效

鐵

線




本草綱目卷之六

廿四

鐵線


鐵線生饒州味微苦無毒二月採根陰乾用土人用療風
消腫毒

天壽根



天壽根

天壽根生台州每歲土貢其性凉甚治胸膈煩熱




百藥祖

百藥祖

百藥祖生天台山中苗葉冬夏常青彼土人冬採其葉入藥治風有效


黃 燎 郎



三才圖會卷之草木六
黃燎郎

黃燎郎生天台山中苗葉冬夏常青彼土人採其根入藥
治風有效

催風使



催風使

催風使生天台山中苗葉冬夏常青秋採其葉入藥用治風疾



陰地蕨



三才圖會卷之五十六

三七

陰地厥

陰地厥生鄧州順陽縣內鄉山谷味甘苦微寒無毒葉似
青蒿莖青紫色花作小穗微黃根似細辛七月採根苗用
主療腫毒風熱

千 里 惡



千里急

千里急生天台山中春生苗秋有花彼土人採其花葉入藥用治眼有效

地 芙 蓉



本草綱目卷之六

四十一

地芙蓉

地芙蓉生鼎州味辛平無毒花主惡瘡葉貼腫毒九月採

